

DISPUTATIO
DE VARIOLIS ET
MORBILLIS

Tertia:

*Continens περὶ γνατολογίας partem secundam: in qua varia quæ-
stiones ad cognoscendam Variolarum & Morbillorum natu-
ram necessaria deciduntur, ipsaq; horum affectuum defi-
nitio & differentia traduntur atque
explicantur:*

Publici exercitii gratia in Argentoratensium Uni-
versitate proposita

a

MELCHIORE SEBIZIO MEDI-
CINÆ DOCTORE AC PROFESSORE, COM.
Palat. Cæsar. Reip. Archiatro, & Academ.
h. t. Rectore:

R E S P O N D E N T E

JOANNE JACOBO Wepfer /
Schaphusiano.



ARGENTORATI,

Typis JOANNIS PHILIPPI MÜLBII,
ACADEMIÆ TYPOGRAPHI.

Anno M. DC. XLII.



V I R O
NOBILISSIMO, CLARISSIMO
& *Experientissimo,*
DN. JOH. ALBERTO SEBIZIO
Medicinæ Doctori apud Argentinen-
ses eximio:

VIRIS item
AMPLISSIMIS ET CONSULTISSIMIS,
DN. JOH. JACOBO WEPFERO
Senatori apud Dissenhofianos specta-
tissimo & gravissimo:

DN. GEORGIO MICHAELI WEPFERO
Reipublicæ Schaphusianæ Secretario
dignissimo:

Dominis Patronis, Fautoribus, Promotoribus, Patr-
& Parenti omni honoris & amoris cultu jurgi
observandis,

*Hujus Exercitiij Academici submissâ oblatione
Tum pro innumeris in se collatis beneficiis gratissimum semper
animum pollicetur,*

*Tum favorem & amorem eorum sibi conservare &
continuatione conatur*

JOH. JACOBUS WEPFER
Schaphusianus.

QUÆSTIO I.

An Variolæ sint morbi?



*N*omina variolarum, nominumque rationes proposuimus disputatione prima: & de existentia illarum egimus disputatione secunda, an scil. priscis etiam seculis fuerint grassata, adeoque veteribus Medicis, Græcis pariter atque Latinis, cognita & perspecta? Nunc hac tertia ad quidditatem variolarum progrediemur, earumque naturam, essentiam & differentias explicabimus: sed prius varias enodabimus quæstiones, quarum decisiones ad cognoscendam variolarum naturam non parùm profuturas speramus.

Priusquam verò ad problematis explanationem accedamus, duo annotanda arbitramur. Unum, quòd sermo nobis sit in specie de illis variolis, quas recentiores voce græca ἐνδύματα, interpretes Avicennæ elevatas apparitiones, alij papulas & pustulas, Germani die Kindsblatern / die Bocken / die Purlen / oder die Warblen vocant: non de Morbillis, quos ἐξανθήματα, ἐρυθρήματα, apparitiones, sive variolas planas, rosalia, rubellas, & rubeolas, nostrates die Masern / die Kindsflecken / die Rhôte appellant. Voces enim istæ sæpius inter se confunduntur ut monstratum quæst. 9. disput. 1.

Alterum, quòd vocabulum morbi hic non generaliter pro quavis re, quæ nos afficit, seu non pro quavis molestia, quæ corpori accidit, sed propriè & specialiter, pro tertia specie affectus præter naturam accipiatur, quæ actiones πρῶτος, ἢ ἀμέσως, primò & immediatè ledit.

His distinctionibus præmissis, respondemus, non omnes variolas pro morbis haberi posse: sed tantùm illas, quæ actiones primò & immediatè offendunt. Quæ iis officiunt interventu

aliquis morbi, causas esse dicimus. Quæ plane non incommodant actionibus, symptomata vocamus: siue externas, siue internas partes occupent.

Immediatè actiones violant variolæ manuum: quoniam impediunt apprehensionem: variolæ pedum: quia ambulationem, seu progressionem remorantur: variolæ frontis & palpebrarum: quoniam motui harum partium obsunt, & propterea etiam in morborum albo collocantur.

Mediatè actiones affligunt variolæ narium, faucium, asperæ arteriæ, aurium, gulæ, intestinorum &c. quia mediante obstructione, quam pariunt, respirationem, vocem, auditum, deglutitionem, & fecum transitum impediunt.

Nullis obsunt actionibus variolæ externæ thoracis imique ventris parti hinc inde adherentes: item quæ sedem suam in dorso, natibus, & cute capitis colliq; habent: hocque nomine in classe symptomatum reponuntur: & simplices corporis affectus, seu mutata qualitates nominantur. Tactu enim visuque percipiuntur.

II.

An internarum partium variolæ nunquam sint symptomata: sed semper vel morbi, vel causæ morborum?

Horatius Augenius l. 9. de febr. cap. 3. posterius defendit: & variolas internarum partium actiones semper ledere sibi persuadet: vel primò & immediatè, vel saltem mediatè & interventu alicujus morbi, quem produxerunt: ac proinde illas morborum, has morbificarum causarum nomen mereri arbitratur.

Verùm uti plerasque variolas internas vel morborum, vel causarum morbificarum rationem habere concedimus: sic inficiamur, nullas prorsus symptomata appellari posse. Nam quæ v. g. externæ solùm ventriculi, intestinorum, uteri, vesicæ, re-

ca, renum, lienis, hepatis, aliarumque partium superficiei insident, suntque numero pauca, & magnitudine parva atque exiles, nulli actioni adversari videntur: ideoque pro symptomatibus & qualitatibus mutatis merito habentur. Sunt enim res prater naturam, quoniam non nisi in agris corporibus visuntur. Proinde referenda videntur ad certam aliquam affectus prater naturam speciem. Cum veroneque ad morbos, neque ad causas morborum reduci queant: quod neque αἰέτως, neque ἐμπέτως actiones ledant, sequitur, ad symptomata revocandas esse.

III.

Quodnam sit variolarum genus proximius?

Videtur esse Tumor prater naturam. Visus enim tactusque fidem faciunt, partem affectam majorem acquisivisse quantitatem, quam naturae earum conveniat.

Verum cum tumores sint ratione quantitatis triplices: magni, parvi, minimi: & magni sua quadam prerogativa, & secundum communem loquendi consuetudinem, penes quem, ut Horatius ait, & jus est, & lex, & norma loquendi, tumores appellentur: parvi tubercula: minimi papulae: sciendum, variolas, quod velut parvi vari sint, ad tumores minimos, ac consequenter ad papulas & pustulas pertinere.

Quod si obijciatur, variolas, cum erumpunt, & apparere incipiunt, uti fieri solet ut plurimum die tertio, aut quarto, non sub specie pustularum, sed macularum rubrarum sese conspiciendas offerre, ac propterea tum non pustulas, sed maculas & exanthemata solum cutisque efflorescentias esse: Respondemus, maculas illas nondum variolas esse, quod varis similes non sint: sed prodromos, sive praeludia, & principia duntaxat variolarum: ac ob id mutatas solum qualitates. Ut enim inchoata mechanicorum opera nondum id esse dicuntur, quod esse censentur.

tur, cum perfecta sunt atque absoluta: sic neque macula illa & rudimenta variolarum nomen variolarum merentur: quia adhuc sunt in fieri. Variolæ autem appellantur & sunt, cum factæ, consummatæ, & absolutæ: quia tunc demum res nomina sua acquirunt, cum perfectionis suæ gradum sunt adeptæ. Itaque variolæ rectè sub tuberculis, vel pustulis, pro ut majores, minoresve sunt, comprehenduntur: quoniam tuberculorum, vel pustularum formam habent.

IV.

An in variolis unus & simplex, an varii morbi deprehendantur?

Varij sanè & multiplices.

I. Intemperies: tunc ratione febris, quæ variolis ferè semper est adjuncta: tunc ratione pustularum, quæ quasi parvæ sunt inflammationes. Est autem intemperies pustularum ratione calida & humida: ac ob id composita: estque materialis: quoniam sanguis pustularum istarum causa est.

II. Mala conformatio in figura, meatibus, & superficie.

Quàm enim figura tunc aliarum partium, tunc imprimis faciei, oculorum, nasi, labiorum, aurium, manuum, pudendorumque in virili sexu vitietur, Autoſia docet, in illis maximè, qui copia & multitudine variolarum laborant.

Superficiem corporis mutari, patet ex eo, quia præsentibus variolis aspera fit planèque inæqualis: adeò ut quædam cutis partes emineant, quædam verò planæ sint, atque depressæ. Ut nihil jam dicamus de cute crustis obducta, cum variolæ sunt exiccatae.

Quòd cavitates afficiantur, ex naribus, auribus, faucibus, aspera arteria, fistulis pulmonum, partibus aliis, cavitatem habentibus, abundè constat. Hæ enim non rarò à variolis aut angustantur & coarctantur, si variolæ extra cavitates sitæ sint: aut obstruuntur, si illas occupent.

Eadem

Eadem ratio est meatuum, & cumprimis pororum cutis. Nam sanguis ad illam confluens, ita poros ejus infarcit, ut morbum, qui densitas, vel obstructio dicitur, creet: à quo postea actio, evacuatio scil. sudoris & halituum, inhibetur.

Eadem denique ratio est venarum capillarum. Etenim ebulliens sanguis, cum fertur ad venulas cutis, calore & copia sua orificia illarum dilatat & aperit, ut sanguis excidat, porosque cutis occupet, variolasque tandem producat.

Ab hac eadem causa etiam aliarum venarum oscula reserantur, ut sanguinem non amplius retinere queant, sed eundem dimittere necesse habeant.

III. Magnitudo aucta. Nam cum dictum sit, variolas pertinere ad tumores, quia pustulae & tubercula sunt: tumores autem ad morbos in aucta magnitudine referantur, perspicuum est, variolas morbos esse in magnitudine p. n. aucta. Tuberculis istis associantur tumores quarundam partium evidentes, & effatu digni, oculorum, nasi, genarum, labiorum, linguae, aurium, manuum ac pedum extremorum, ut decumbentes leprosis haud absimiles videantur: qui tumores non tantum à repletionem, & copia sanguinis in hasce partes effusi, verum etiam à calore effervescentis sanguinis oriuntur. Hic namque tum ipse dilatat & elevat: tum vapores gignendo crassos efficit, ut partes tollantur in altum.

IV. Magnitudo diminuta: quæ tamen demum post variolas exiccatas & ferè ablatas conspicitur: estque macies totius corporis: quæ in quibusdam est major: in aliis minor: causasque varias habet: scil. calorem febrilem, triplicem corporis nostri substantiam depascentem, inappetentiam, inediam, vigilias &c. Ad hunc morbum etiam pertinent foveæ & vestigia, quæ non rarò variolæ post se relinquunt.

V. Numerus diminutus: quia observatum, variolas oculos, aures, nares, suras, nates, partes alias abstulisse corrodendo.

VI. Connexio partium, quæ debebant esse à se invi-

cem separata: ut videre licet in oculis, quorum palpebra multis sæpè diebus sunt commissa, quas tamen ad visionem decet esse interdiu ab invicem sejunctas.

VII. Continui solutio. Contingit enim cuticulam à cute, & hanc à subjecta carne separari: idque propter affluxum sanguinis ad cutem. Ut nihil dicamus de ulceribus, quæ variolæ, cum suppurantur, propter acrimoniam & mordacitatem puris, inducunt.

V.

An variolæ sint morbi universales?

Morbus universalis dicitur, non qui à Fernelio vocatur totius substantiæ. Hic enim morbus formæ, ab aliis occultarum qualitatum appellatur. Nec qui communis est. Iste namque à causa communi ortum habet, pluresque uro tempore ob causæ communitatem aggreditur. At non omnis universalis morbus occultus est: neque omnis universalis ob causam communem plures eodem in loco eodemque tempore affligit. Sed qui totum corpus occupat, aut maximam saltem illius partem: oppositus particulari, qui unam duntaxat aliquam particulam obsidet. Universalis ergò ratione subjecti, h. e. corporis, cui inest, non ratione formæ, vel causæ, vel effectorum, vel invasionis, appellatur.

Ad questionem igitur respondemus: etsi variolæ non in omnibus totum corpus occupent: quia tamen hoc plerunque, & in plerisque hominibus faciunt, & facere aptæ sunt, eas pro universalibus morbis habendas esse. Etenim causa illarum, sanguis, in plerisque vasis, præcipuè tamen grandioribus, ebullit, indeque per venas atque arterias, tanquam per tubos, sive aqueductus, in omne corpus derivatur. Universales quoque morbi dici queunt ratione febris, quæ ferè semper iis adstat. Hanc enim πρῶτος quidem cor: δευτέρος autem reliquum corpus occupare, extra dubium est. Obsident autem variolæ non externas duntaxat partes: verùm etiam membra interiora: quem-

quemadmodum tùm plurimi alij, tùm etiam Fernelius l. 2. de
abdit. rer. caus. c. 12. Paræus l. 19. c. 1. Augenius l. 9. de febr. c. 2.
ex Avicennæ l. 4. Can. fen. 1. tract. 4. c. 6. notant.

Quodsi objicias, in quibusdam valde paucas observari
variolas, quæ non dicam non totum corpus, sed ne quidem ma-
gnam illius partem occupant. Ideoque rationi consonum esse,
eas universalis morbi nomen minimè mereri. Respondemus,
eandem quoque rationem esse aliorum affectuum, v.g. elephan-
tiasæ, luis Venereæ, paralyseos, spasmi &c. qui universales
appellantur, cùm tamen non in quovis subjecto totum corpus
obsideant. Tales verò nominantur, vel quia in plerisque hoc fa-
ciunt: vel quia apti sunt, ut, si vires acquirant eundo, totum
corpus insicere valeant.

VI.

An variolæ sint morbi epidemii? an

πορροϊκοί?

Morbi epidemij sub communibus continentur. Dicuntur
autem communes, gr. κοινοί, ἢ πάγκοινοί, ἢ πάνδημοί, illi, qui ejus-
dem sunt speciei, & multos uno aliquo in loco, urbe, aut regio-
ne, uno eodemque tempore corripunt: idque ob communita-
tem causæ, quæ omnes tangit. Opponuntur ergo morbis, qui
vocantur πορροϊκοί, sive πορροϊκοί, dispersi, siue diffusi ac disse-
minati, qui non multos universim & communiter, sed separa-
tim sparsimque unumquemque apprehendunt: quemadmodum
Galen. in præfat. l. 1. epid. docet. Hi morbi ejusdem speciei
non sunt, sed diversæ: & non dependent à causa aliqua com-
muni: sed vel à propria cujusque constitutione, vel peculiari
cujusque victus ratione. Ideoque singulos separatim aggre-
diuntur. Vagantur plures simul: ex quibus alius alium inva-
dit: hunc v.g. pleuritis: istum nephritis: illum φθίσις. Verùm
morbi κοινοί duplicis sunt generis: alij ἐνδημοί, ἢ ἐνδῆμοι, patrij,
vernaculi, & alicui regioni familiares: ut scorbutus incolis lit-
toris Balthici: φθίσις Romanis: lues Venerea inhabitatoribus

Indiæ: Bronchocele Carinthiis & Tyrolensibus: suntque aliquæ in regione frequentes & perpetui, omnesque ex aquo apprehendunt, ob causam, quæ omnibus communis: v.g. ob aërem, aquas, victum; de quibus Hipp. l. de aër. aq. & loc. verba facit. Alii ἐπίδημοι, ἢ ἐπιδήμιοι, vulgares & populariter grassantes, qui à communi aliqua causa sunt profecti: non tamen patrii sunt, & regioni familiares, ut priores: sed potiùs externi, peregrini, & adventitii: iique rursùs duplices: vel λοιμώδεις, pestilentes, qui contagiosi, venenati, omniumque perniciosissimi: vel μὴ λοιμώδεις, non pestilentes, sed his mitiores benignioresque. Proprio carent nomine, & generis nomen retinent, dicunturque ἐπιδήμιοι.

His præmissis, respondemus, variolas multoties morbos esse ἐπιδήμιους: at non semper. Epidemios esse, testata sunt tempora apud nos tria: autumnus, hyems, & ver elapsum. Hisce enim temporibus mirum in modum variolæ sunt grassantæ: & hac adhuc ineunte æstate non prorsùs cessarunt.

Idem testantur Pragmatici multi: præsertim verò observationum medicarum Scriptores: inter quos haud postremus Petrus Forestus. Scribit enim, fuisse variolas & morbillos Anno 1551. Alemariæ adeò epidemios, ut vix puer esset, qui non vel illis, vel istis laborasset: l. 6. observat. 41. Idem ibid. observat. 44. refert, variolas Anno 1562. à mense Octobri per totam hyemem, & Anno 1563. per totam æstatem Delphis grassatas esse adeò, ut non solum pueri & iuvenes, verùm etiam senes aliqui, qui iam olim variolas & morbillos passerant, rursùs in illos inciderint. Amatus Lusitanus memorat, idem sua in patria Anno 1551. contigisse, aëre existente humido, nebuloso, & ob id putredinis authore qualis etiam magna ex parte apud nos fuit hyeme præterita.

Quod autem variolæ etiam quandoque sint affectus ἀνογδοιοί, eadem monstrat experientia. Etenim accidit, ut unus & alter solum variolis conflictetur, nulla communi urgente causa: quæ aliàs communibus morbis ansam atque occasionem præbere solet.

An variolæ sint contagiosæ?

Morbi contagiosi dicuntur illi, qui sui seminium & inquinamentum in aliud corpus transfundunt, & per illud simile vitium in alio corpore excitant. Tales morbi sunt plerique venenati, pestilentes, & epidemij alii: ut pestis, febris maligna & petechialis, tinea, lepra Arabum, quæ dicitur ἐλεφαντίασις, rabies canina, lues gallica, cholera, quadam dysenteria, scorbutus, scabies &c.

Esse autem variolas contagiosas, I. probat autoritas omnium Pragmaticorum. II. Experientia docet. Hæc enim testatur, eos, qui vel nondum variolas sustinuerunt: vel sustinuerunt quidem, sed insufficienter, infici, si infectis cohabitaverint, aut illorum indusis, linteaminibus, vestimentis &c. usi fuerint: illi maximè, qui eodem sanguine creti: & tum præcipuè, cum variolæ sunt malignitatis participes, & populariter sæviunt. III. Ratio convincit: quoniam in variolis ea omnia animadvertuntur, quæ ad morbum contagiosum requiruntur. Primum corpus infectum ea ægritudine, qua corpus aliud inficere debet. Deinde inquinamentum ipsum, per quod morbus alteri corpori communicatur: quod tamen morbus non est. Cum enim morbus sit accidens, ex subjecto in subjectum migrare nequit. Sed inquinamentum istud corpus est, & veluti quoddam semen, quod alij corpori adhærens excitare valet in eo affectum, qui specie idem est cum illo, quo corpus, unde manavit, laborat. Vocatur aliàs à Medicis ἀπόρροια, defluviū, μίασμα, labes, & νοσικῆ ἀπόκρισις, morbida secretio. Habet autem sat virium ad producendum similem morbum in alio corpore: quia licet mole sit exigua: virtute tamen longè est maxima & potentissima. Deinde quia ἀπόκρισις ista tenuis est atque subtilis: hancque ob causam facile penetrat, seseque insinuat. Viscositatis insuper aliquid habet, ut adherere, & aliquandiu durare possit. Tertiò corpus patiens, quod ita dispositum est, ut similem labem contrahere valeat.

Ceterum tunc potissimum solent variolæ esse contagiosæ, cum suppurantur: id quod in statu & principio declinationis fieri consuevit. Eo enim tempore præcipue exuscitantur ejusmodi *μιάσματα*, quæ requisitis & conditionibus recensitis sunt prædita. Atque hæc causa videtur, quod morbilli variolis minus sint contagiosi: quoniam nunquam suppurantur. Fratres etiam & consanguinei facilius inficiuntur, quam qui inter se cognati non sunt; quoniam similes quodammodo sunt: & quidem ratione sanguinis, unde ortum duxerunt. At quod quæque sibi sunt similia, eò citius & facilius se in consensum trahunt.

VIII.

An Variolæ semper sint malignæ & pestilenciales?

Quod variolæ sint malignitatis & pestilitatis alicujus participes, sequentibus probari potest rationibus. I. quia auctores scribunt, variolas vel pestem antecedere, vel sequi. II. quia populariter sæpè pestis in modum grassantur. III. quia pestis instar sunt contagiosæ. IV. quia non secus ac pestis plurimos tollunt è medio. V. quia characteres malignitatis in illis observantur: fætor quandoque intolerabilis, præsertim cum sunt suppuratæ, & versa in crustas: fæditas & deformitas corporis abominabilis: color lividus, plumbeus, violaceus, niger: insignis virium debilitas, convulsiones, ulcera maligna, diarrhæa & dysenteria lethales. VI. quia alexipharmacis, & iis remediis utimur, quæ adversus *κακὴν* pugnant. VII. quia aer sæpè occasionem variolis præbet: præsertim cum modo abditus est infectus. VIII. quia plerunque, ut pestis, austrinis dominantur constitutionibus, quando nimirum hæc diutius perseverant.

Verum plausibilior illorum est sententia, qui persuasum habent, variolas non semper malignas esse & pestilentes: idque

ex symptomatibus planum faciunt, quæ nihil malignitatis præ se ferunt. Verum hoc esse, multorum variolæ præteritis temporibus hujus & antecedentis anni confirmârunt. Dicimus ergo, variolas aliquando cum malignitate conjunctas esse: interdum verò malignitate carere: non secus ac bubonas & carbunculos: qui quandoque benigni sunt, nonnunquam vero κακονθεῖς: quales sunt carbunculi peste correptorum, & bubones tum horum, tum etiam gallica virulentia contaminatorum.

Proinde ad primum argumentum respondemus, falsum esse, quod variolæ pestem semper & necessario vel præcedant, vel sequantur. In testimonium adhibemus experientiam, quæ quod dicitur, confirmat.

Ad secundum. Non omnes variolæ sunt epidemiæ: sed quædam etiam ποσάδιχα, ut supra probatum. Et si maximè epidemiæ essent, non tamen inferretur, ob id κακονθεῖς καὶ λοιμώδης esse. Sunt enim epidemij quidam affectus, qui omnis tamen κακονθεῖας sunt expertes: v. g. diarrhæa & dysenteria æstivo tempore à calore & siccitate nimia, nimiove fructuum horarum esu contractæ: tussis, raucedines, & gravedines hyeme ex frigida humidaque aeris constitutione nata: febres tertiana, aliique affectus, de quibus Hippocrates sect. 3. aphor. verba facit: qui vel ob aeris intemperies, vel pravam victus rationem tyrannidem suam in multos exercent.

Ad tertium. Pestis quidem contagiosa est: at non omnes cōtagiosi affectus pestilentes sunt atq; maligni. Etenim scabies, tinea, φθίσις &c. mala sunt contagiosa: at neutiquam maligna.

Ad quartum. Inficiamur, pestem & variolas omnes pari crudelitate in hominum vitam sævire. Præteritis quippe temporibus plures convaluerunt, quàm expirârunt. Perire plurimos per variolas malignas, concedimus. Perire autem tanto numero per eas, quæ mitiores sunt atque benignæ, prorsus negamus. Falsum prætereà est, omnes illos affectus pestilentes esse, & malignitate imbutos, qui multos interimunt. Nam & alii quidam affectus tales forent, qui plurimos extinguunt: v. g.

ῥαῦστοι, apoplexia, phrenitis, pleuritis, peripneumonia, φθίσις, dysenteria, hydrops &c.

Ad quintum. Malignitatis characteres in quibusdam duntaxat variolis deprehenduntur: non in omnibus. Ergò quaedam solùm malignæ sunt & pestiferae, non omnes. Testatum facit experientia, multos, imò plurimos, commodè satis degere per variolas, nec symptomatibus suprà narratis urgeri. Et nos sanè in nostris variolis ῥαλονθείας & pestilitatis indicia in paucis observavimus.

I X

An Variolæ rectè dicantur morbi pueriles?

Pueriles morbi dicuntur, qui pueros affligunt duobus primis septenariis: scil. à prima natiuitate, usque ad annum ætatis decimumquartum, qui pubertatis statuitur principium. Suntque duplicis generis. Alii solis accidunt pueris, qui verè, propriè, & ῥατ' ἐξοχῶν pueriles nominantur: ut dentitio, & quæ eam sequuntur symptomata: hæmorrhagia ex umbilico malè vincto: phlegmone ex resecto umbilico. Alii aliis quidem ætatibus etiam eveniunt: quia tamen pueros exercent frequentius, quàm alios, pueriles nuncupari solent. Caterùm licèt isti reverà communes sint, certo tamen modo etiam proprii dici merentur: nimirùm non ratione naturæ & essentiæ, quæ in omnibus ætatibus est eadem: sed vel ratione causarum, quæ in pueris ut plurimum sunt peculiæares: vel ratione victus, qui pueris, & illis maximè, qui in prima pueritiæ parte constituti sunt, & infantes dicuntur, est consuetus: vel ratione curationis: quoniam aliæ pharmaca delicata & tenella ætas postulat. Nam illa ferre nequit, quibus tractatur adulta.

Sunt ergò variolæ pueriles morbi, non primo, sed secundo modo. Frequentissimè enim pueros invadunt: rarò juve-

nes: rariùs viros: teste Avicenna & experientia. Imò puerulis adeò sunt infesta, ut quidam illorum etiam in utero materno iis conspurcentur. Cujus rei exempla videantur apud Schenckium l. 6. de morb epid. observat. 104. & 105. Augenum l. 9. de febr. c. 7. & Guil. Fabricium centur. 4. observ. chirurg. 55. qui scribit, fœminā quandam in Lotharingia, cū tempus partus ferè attigisset, unā cū marito in variolas incidisse, & post mariti obitum peperisse infantem variolis contaminatum. Qua ex historia liquet, etiā provec̃tioris ætatis homines variolis esse obnoxios. Nam Pater & Mater hujus infantis variolis, uti dictum, laborârunt. Pater quidem ex illis extinctus: Mater verò servata. Quod ipsum etiam alii præstantissimi Medici notant. Vidit Nicolaus Florentinus decrepitos senes variolis affectos, tract. 2. summ. 4. distinct. 6. cap. 13. Novit Gentilis sexagenarium variolis correptum. Talem quoque observavit Christophorus à Vega; virum etiam anno ætatis quadragesimo iisdem deformatum idem conspexit, l. 2. art. cur. s. 7. cap. 1. Augenius hoc ipsum de sene septuagenario refert: l. 9. febr. cap. 7. Campilongus ait, virginem 20. annorum variolis laborasse: l. de var. cap. 18. Forestus notat l. 6. observat. 44. Anno 1563. adeò sæviissæ variolas Delphis per totam æstatem, ut non solum pueri natuque grandiores, verum etiā senes aliqui, qui jam olim variolas & morbillos erant perpeßi, in illas fuerint præcipitati. Schenckius l. 6. observat. 105. scriptum reliquit, uxorem suam Anno 1569. propemodum quadragenariam, non quidem variolis, sed morbillis solum, mense graviditatis septimo, cum atrocissimis symptomatibus conflictatam esse, & tamen salvam unā cum fœtu evasisse. Novimus nos duas personas illustres, quarum altera anno ætatis quinquagesimo, altera in juventute, quæ virili ætati vicinā, variolarum tyrannidem sensit.

Incidunt autem Avicennæ de sententia in variolas calida præcipuè humidaque corpora, quæ πλνθωεινὰ: itemque & illa, quæ γροχουρία onusta. Pueri verò omnium frequentissimè vari-

variolis fœdantur: I. quia interna earum causa, de qua suo loco, in illis adhuc est recens, & forsân etiam copiosior. Nam calor natus etatis progressu multa consumit, II. quia corpus eorum est molle, rarum, laxum atque apertum, ut materia non facile solum ablegari ad cutem, sed etiam ab ea promptè excipi possit. III. quia vis expultrix in illis valida est atque robusta: cujus causa etiam aliæ eruptiones pueris sunt consuetæ: v. g. vomitiones, tusses, aurium humiditates, alvi profluvia, quæ sunt, sive exanthemata & ecthymata varia, quæ in cute, & maxime in faciei capitisque cute visuntur: sanguinis item ex naribus fluxiones: quemadmodum vacuationes hæc Hipp. s. 3. aphor. 24. 25. 26. & 27. recenset.

X.

An variolæ sint morbi acuti?

Acuti morbi tria habent requisita. I. Brevitatem durationis. Celeriter enim tempora sua transeunt. II. Symptomatum vehementiam. Graviter namque affligunt: ut in febribus ardentibus, phrenitide, pleuritide, angina, peripeumonia, tetano, peste, febribus malignis, morbis acutis aliis videre licet. III. Vehementiæ perseverantiam & continuationem. Moventur ergò velociter, vehementer, & constanter, sive perseveranter.

Est tamen in acutis differentia magna, eaque secundum magis & minus considerata. Distinguuntur enim in acutos & peracutos. Rursus peracuti suos habent gradus. Nam qui tales, vel sunt peracuti simpliciter: vel perperacuti, qui peracutissimi, & extremè peracuti appellantur: quorum ultimus terminus statuitur dies quartus: ut pestis, & secundum Hippocratem aphor. 6. s. 5. tetanus. Peracuti simpliciter intra 7. dies judicantur. Illorum ergò terminus est dies septimus: ut apoplexia, qua correptos Hipp. aphor. 51. s. 6. intra dies 7. interire asseverat, nisi febre corripiantur.

Acuti similiter aut tales sunt exquisitè, aut ἐν μεταβάσει, ex de-

ex decidentia. Illorum terminum statuit Hipp. aphor. 23. §. 2. diem decimum quartum: quamvis & nonnulli eorū, qui acutis ex meta ^{ἐκ μετα} viciniores sunt, diem vigesimum pro ultimo termino habeant. Hic enim tertia septimana septimus est, & propterea criticus. Horum terminus ultimus est dies quadragesimus. Nam qui diem istum excedunt, eos Galenus non amplius pro acutis, sed pro chronicis numerat: quoniam non, ut verè acuti, velociter, sed tardè moventur.

His prælibatis, dicimus, non omnes variolas unius ejusdemque conditionis esse. Reperiuntur enim agri, qui vel non febricitant, quod tamen est rarissimum: vel leviter saltem. Observantur etiam, qui gravia symptomata minimè patiuntur. Accidit hoc materiae causa: quæ in quantitate est pauca: in qualitate mitis atque benigna, citòq; ob corporis raritatem, & naturæ robur erumpit. Tales ergo variolæ in acutorum albore poni nequeunt. Reponuntur autem in illo, qui ~~non~~ sunt participes: quæ cum acuta febre copulatæ: quæ adjuncta habent atrociora symptomata: v. g. convulsiones, deliria, petechias, anginam, dysenteriam, diarrhæam &c. Vidimus enim infantes atque pueros, qui secunda statim die fuerunt enecti. observatum etiam, quosdam d. 7. 9. aut 11. Obiisse. Ideoque ejusmodi variolæ, cum velociter moveantur, vehementer affligant, & in vehementia sua aliquandiu perseverent, meritò acutis morbis annumerantur.

XI.

An variolæ critico motu à Natura expellantur?

Agentem tuentur Avicenna & Pragmatici, qui de variolis scripserunt, omnes. Crisis enim duplex est, bona & mala.

In bona sequentia se offerunt requisita. I. morbus magnus & vehemens, isque materialis, h. e. à noxiis ortus humoribus, qui naturam vehementer urgent: ab illa tamen, utpote

sat robustis instructa viribus, expelluntur. Possunt autem expelli, si in ejusmodi loco contineantur, ex quo facile moveri, & ad alium ablegari queant. II. πεπασμός, materiæ morbificæ concoctio. Nam πεπασμοὶ πάντες πάντοθεν ἐπὶ καίρει, coctiones semper opportuna sunt, ait Hipp. l. i. epid. s. 2. Significant enim, inquit idem ibid. ταχύτητα τῆς κρίσεως καὶ ἀσφαλίην ὑγίειν, celeritatem judicationis, securamque sanitatem. III. διάκρισις, secretio. Τίνετα γὰρ ἡ κρίσις, inquit Gal. comm. 2. aphor. 13. τῆς φύσεως διακρινέσθης ἀπὸ χρησῶν τὰ μολύνοντα, καὶ παρὰ σκευαζέσθης πρὸς ἑκκρίσιν, sit crisis natura secernente humores noxios à bonis, eosque ad excretionem preparante. IV. ταρχὴν κειρκήν, quam Hipp. aphor. 13. s. 2. δυσφορίαν appellat, & κρίσιν præcedere scribit: Galenus autem etiam σάλον vocat: nihilque aliud esse dicit, quàm congeriem seu concursum gravium quorundam symptomatum, quæ excretiones & abscessus criticos antecedunt: eorumque longum catalogum l. 3. de crisib. c. 2. & l. 1. de dieb. crit. c. 1. recenset. V. ἑκκρίσις, excretio: sub qua tamen etiam abscessum comprehendere possumus: quoniam in utraque κρίσεως specie materia loco movetur. In ἑκκρίσει quidem planè extra corpus fertur: in abscessu verò in corpore quidem manet: sed ad alium tamen locum transportatur. VI. εὐφορία, bona tolerantia, seu quies & tranquillitas, meliorque decumbentis conditio, quæ κρίσιν sequitur: quoniam morbifica causa est extirpata. VII. Μοχλὴς, quod est Natura, sive vis expultrix: quæ ministerio fibrarum, & caloris nativi materiam peccantem extrudit. VIII. Mobile: nimirum humor morbificus, qui vel extra corpus ferri, vel ad locum alium, eumque ignobiliorum, derivari debet. IX. Terminus à quo, qui est locus, ubi causa morbum creans latet. X. Terminus ad quem, scil. illa pars, ad quam materia transfertur. XI. Viæ, sive spatia, per quæ noxia materia movetur: suntque vel manifesta, vel nobis occulta, naturæ autem probè nota. XII. Eventus: qui secundum Hipp. l. i. epid. s. 3. & Galen. comm. 3. in prognost. s. 1. est duplex in κρίσει salutari: I. ἐπὶ σωτηρίαν, ad salutem, h. e. sanitatem.

2. ἐπ' ἀμεινον, ad statum meliorem. XIII. Tempus, quod est
juxta Galen. l. 3. de cris. c. 1. vigor, sive status morbi summus.
Tunc enim materia est cocta: tuncque maxima natura cum
morbo est lucta: sine qua κρίσις nulla fieri solet: teste Galeno l. 3.
de cris. c. 9. In mala verò κρίσις morbus quidem adest magnus
& vehemens, & præstò etiam sunt quædam alia, movens scil.
mobile, via, termini utrique, & excretio: verum πεπασµός, &
διάκρισις, & εὐφορία, & legitimum excretionis tempus, & even-
tus bonus desiderantur. Nam quæ in hac excernuntur, cruda
sunt, & cum massa humorum confusa, non separata: & excretio
opportuno tempore non instituitur: sed vel in principio, vel in
augmento, quibus temporibus cruda adhuc est materia pec-
cans, excitatur, non ex naturæ intentione, sed vitio materiei,
in quantitate, aut qualitate, aut utraque simul peccantis: quo
fit, ut egri nihil inde levantur: sed ut Hippocrates scribit lo-
co antè allegato judicentur, vel ἐπ' ὀλεθρον, ad interitum: vel
ἐπὶ χείρον, ad statum deteriorem: quia hac κρίσις non evacuan-
tur ὡς δέ, καὶ ὡς δέ, καὶ ὅσα, καὶ ὅτι, καὶ ὅτε, καὶ ὅσον δέ, quibus opus
est, & velut opus est, & qualia, & qua parte, & quando, & quan-
tum opus est, quemadmodum Hipp. l. 6. epid. sect. 2. loquitur.

Dispiciamus jam, an eruptioni variolarum salutarium
(sic illas ratione eventus nominamus:) titulus motus critici
conveniat? Convenire sanè videntur plurimæ conditiones.
Nam & plerunque adest morbus magnus, isque acutus: & per
ebullitionem sanguinis fit διάκρισις, mali scil. à bono separatio:
& ea κρίσις species hîc fieri videtur, quæ instituitur per ἀπέ-
θεσιν, decubitum humorum ad certam aliquam partem, quam
aliàs ἀπόστημα, & ἀπόσκηµα nuncupare solent Græci: & ἐκείνῃ
excipit εὐφορία: quia cùm variola eruperunt, ut plurimum fe-
bris & symptomata mitescunt: & movens hîc locum habet,
natura sanguinem ad cutem propellens: & mobile cerni-
tur, sanguis malus à bono segregatus: isque ad ignobilem
partem, cutem, amandatus: & terminus à quo conceditur,
qui ibi est, ubi peccans materia latet: suntque ut plurimum

vena & arteria insigniores: & terminus ad quem observa-
tur, cutis, si variola sint bonæ: (in malis enim etiam interiora
viscera inquinantur) & viæ se offerunt, per quas sequestrata
materia deducitur ad cutem, vasa dicta: & eventus in bonis
est bonus, salus nimirum & incolumitas patientis. Quapropter
videtur sequi, variolarum expulsionem rectè criticum motum
ab Avicenna & recentioribus appellari.

Arbitramur, argumenta in medium allata non parvi es-
se momenti. Credimus tamen, esse hunc motum κείσις potius
ἀνάλογον, quam κείσις in genuina & speciali significatione sum-
ptam. Quæ forsitan causa est, quod Avicenna dixerit, variolas
gigni quodammodò critique: & Augenius asseverarit, hîc κεί-
σις quendam modum esse particularem: l. 9. febr. c. 5. denique
Campilongus statuerit, fieri variolas in modum κείσις, non
per κείσις: l. de var. c. 12. Rationes, quæ nos movent, ut sic cre-
damus, sunt seqq. I. quia omnem veram proprièque dictam
κείσις præcedit πειρασμός materiæ morbificæ. Ante variolarum
eruptionem haud videtur fieri πειρασμός, sed tantum ebullitio
quædam & effervescencia sanguinis, ut malus à bono segrege-
tur. Quod ubi factum, & expulsio subsecuta, sanguis ebulli-
re desinit. Eademque hîc ratio esse videtur, quæ in musto.
Hoc enim in dolium infusum nunc citius, nunc tardius ferve-
re incipit. Citius, quò est meracius: tardius, quò aquosius. At
cum fervet, non concoqui & maturari, sed suo quodam modo
alterari dicitur, & heterogenea, ab homogeneis in eo secernun-
tur. II. quia specificè dicta κείσις secundum Galenum comm.
2. aphor. 13 est ὁξύρροπος ἐν νόσῳ μεταβολὴ πρὸς ὑγίαν, ἢ θάνατον, su-
bita & confertim facta mutatio in morbo ad salutē, aut ad mor-
tem. At talis mutatio in variolis non fit, sed paulatim. Nam
tertia quarta ve demum die egrediuntur. Quod si sanguis, cali-
dior præsertim acriorq, subito & cum impetu ad cutem ferre-
tur, procul dubio rigorem excitaret: cujus causam Galenus l. 2.
de sympt. caus. c. 5. esse docet materiam acrem & mordacem,
ad sensibiles partes impetuosè motam. Verum rigor nullus sen-
titur.

An necesse sit, ut omnes homines variolis corripiantur?

Averrois sententia est, nullum reperiri qui, variolis non infestetur. Et Avenzoar scribit, esse instar miraculi, si quis mortalium hac labe non inquinetur. Censemus, si certum esset & indubitatum, variolarum causas esse impuriore portiones menstrui sanguinis, quo fœtus in utero fuit sustentatus, quemadmodum plerorumque Authorum fert opinio, decisionem presentis problematis haud difficilem esse. Verum cum hoc adhuc in dubio versetur, nil impræsentiarum concludi posse videtur. Supponemus tamen nunc, quod disput. 4. probaturi, impuritates illas partibus solidis impressas, & post cōformationem in iisdem derelictas, ansam atque occasionem variolis præbere, & consequetur, omnes homines variolis obnoxios esse: cum in omnibus causa illarum locum habeat. Omnes enim duo generationis suæ primordia agnoscunt: semen & sanguinem maternum: illud pro generatione partium solidarum, sive spermaticarum: hunc pro constitutione carnosarum, & utrarumque nutritione.

Sed quæritur, cur ergo non omnes homines in universum variolis affligantur? Respondetur, ex multis millibus per paucos inveniri, qui illarum impetum effugiant. Si qui tamen ab iis immunes extiterunt, factum id esse videtur, vel quia præpropera mors illos sustulit è medio. Non enim omnes in infantia & pueritia variolis fœdantur: sed quidam etiam in ætate proveciore: quam tamen non omnes attingunt. Vel quoniam purissimo alti fuerunt sanguine, qui paucissimas post se in partibus solidis dereliquit impuritates: quas calor nativus facile discutere atque absumere potuit. Vel denique quia impuritates illæ alia ratione sunt evacuata: v. g. per scabiem, impetiginem, vitiliginem, ulcera, alvi profluvia, sudores, & his similes inanitiones alias.

secunda & tertia vice variolas patiantur? Respondetur, raro quidem hoc fieri: si tamen fiat, causam esse, quoniam prima vice impuritas illa, in utero contracta, non fuit radicitus evulsa: sed semina & fomites quidam in corpore remanserunt. Remanserunt autem, vel quia natura non sat habuit virium ad illos exhauriendos: vel quia fuit impedita: vel quia non tota materia derelicta quantitas sequax fuit atque morigera, idque ob crassitiem, viscositatem, aliamve qualitatem.

Averrois dictum, quod nemo sit, qui variolis non tentetur, accipiendum est, ceu illud, quod ὅς ἐν τῷ πλεῖστον contingere solet. Quare, cum ex multis millibus paucissimi sint, qui variolis non infestentur, Averroës omnes homines illis infestari asseveravit: perpendens maximam hominum partem: non spectans unum atque alterum individuum, quod universalem regulam destruere nequit.

XIII.

An Variolæ etiam cadant in bruta?

Mercurialis scribit l. de morb. puer. c. 2. non defuisse, qui arbitrati sint, variolis etiam bruta laborare. Sed persuasum habet, humanam solum speciem variolis conflictari: Mercuriali suffragatur Augenius l. 9. febr. c. 11. Ad stipulatur quoque αὐτοψία. Hactenus enim observatum non est, quod bruta variolis fuerint detenta. Ratio dari potest varia. Vel enim hoc contingit propter temperamentum siccitatem: vel propter vitæ labores, qui plurima superflua consumunt: vel propter victus temperantiam, præsertim in cibo & potu: vel propter superfluitatum ἀπὸθεσιν, sive decubitus in urinas: unde turbata & crassæ apparent: vel propter conversionem superfluitatum in pilos, cornua, ungulas, squamas, cortices, pennas, corporis vastitatem in brutis grandioribus: vel propter crassitiem & densitatem cutis, quæ variolas non facile transmittit: vel propter victus locique, in quo habitant, siccitatem: cuius ratione & mi-

nus excrementis scatent: & quibus scatent, absorbentur. Vnde Aristoteles l. 1. de gener. an. c. 20. refert, bruta ob corporis siccitatem, & conversionem superfluum in corpora recensita, etiam non ita menstruum fluxum pati, ac mulieres: sed parcius & rarius, ut Commentatoribus placet.

XIV.

An in quibuslibet variolis dolor sentiatur?

Quando materia in quantitate est pauca: in qualitate frigida, aut remissius saltem calida: hæretque in parte, vel prorsus insensili, vel sensili quidem, sed obtusius sentiente, dolor aut nullus est in variolis, aut saltem admodum remissus. Cum verò materia quantitas est copiosa: qualitas calida & acris: situs in parte exquisiti sensus, tunc dolor est intensior: præsertim eo tempore, quo variolæ incipiunt suppurari: juxta illud Hippocratis, aphor. 47. s. 2. dum pus fit, dolores ac febres accidunt magis, quam confecto pure. Cur autem, dum pus generatur, dolores sint intensiores, quam pure facto, causa est, quia pars extenditur, & p. n. alteratur. Adest igitur continui solutio, tanquam causa doloris proxima: & intemperies calida, propter phlegmonem, tanquam causa remota & mediata. Sed quæ causa est, inquires, quod dum pus fit, pars extendatur, & continui quandam patiatur solutionem? Respondemus, causam esse, quia antequam pus fiat, sanguis, qui in pus vertendus, ebullit atque effervesceat. In ebullitione autem à parte, in qua fit suppuratio, vapor exoritur putridus, qui partem distendit, quoniam exitum querit: ex qua distensione, quæ species est continui solutionis, dolor nascitur. Pure facto, cessat ebullitio, & vapores putridi jam exhalârunt: quo fit, ut etiam continui solutio cesset, nimirum distensio illa, & consequenter etiam dolor sopiatur. Diminuta quoque est materia à calore illo præternaturali. Ideoque minuitur tensio, & per consequens etiam dolor mitigatur.

An in omnibus Variolis pruritus adsit?

Pruritus, sive prurigo, κνινός græcè, affectus est superfici-
 eiei, h. e. ipsius cutis: sic docente Galeno l. 2. de loc. aff. c. 7. Oritur,
 inquit idem, comm. 2. in l. 6. epid. §. 30. natura expurgante par-
 tes profundiores, & noxia propellente ad cutem. Habet enim in
 more positum, ait idem ibid. ut superfluitates tum per alvum,
 tum per cutem evacuet. Motus est facultatis expultricis: teste
 eodem l. 2. de caus. sympt. c. 6. Sæpe exulcerationem præcedit:
 ut videre licet apud Galenum l. 4. meth. med. c. 4. Sequitur ta-
 men nonnunquam fracturas, & nisi illi occurratur, aliquando
 in exulcerationem desinit: sic monente Galeno comm. 1. in l.
 de fract. §. 41. Non rarò quoque vulnera & ulcera, imò &
 tumores p. n. comitatur, ut experientia monstrat. Causa vel
 acris est vapor modicèque mordens: authore Galeno comm. 1.
 in l. de fract. §. 41. Vel humor aliquis simili qualitate præditus:
 in genere excrementum pruritosum, quod nitrosum, salsum,
 vel amarum appellari potest: quod etiam sensum ulcerosum, le-
 pram, scabiem, horrorem & rigorem excitare valet. Omnium
 enim horum affectuum causa est κακοχρῖα: sed differunt inter
 se quantitate, qualitate, & motu: ita dictante Galeno l. 2. de
 caus. sympt. c. 6. Nam in pruritu, inquit, causa est pauca, te-
 nuis, salsa, & immota. In lassitudine ulcerosa, pauca, tenuis,
 mordax, & immota. In lepra & scabie, multa, salsa, crassa, & im-
 mota. In horrore, pauca, tenuis, mordax & motum quendam ob-
 tinens exiguum. In rigore, copiosior, mordaciorque est, & ve-
 hementer movetur. Et in rigore quidem maximo, plurima,
 mordacissima, & vehementissimè mota. Eos autem potissimum
 pruritus vexat, qui sordibus scatent, qui balnea negligunt, qui
 cruditatibus laborant, & qui pravo victu utuntur, cibis scil.
 κακοχρίμοις: non aliam ob causam, nisi quòd excrementa in corpo-
 re provenerint salsa, acria, atque mordacia. Præ omnibus au-
 tem aliis pruritus infestat τώσα & λέπρα laborantes. Causa,
 ait

ait Galenus loc. alleg. triplex est: I. quia humor pruritus excitans est copiosior, quam in illis, qui sordibus abundant, & balnei usum intermiserunt. II. quia idem est crassior, adeoque cuti infixus firmiterque impactus. III. quia nonnunquam lentus est & glutinosus: quo fit, ut nihil juventur, etiamsi scabendo sese excoriant. Salsus quippe humor adhuc cuti manet infixus: ideoque pruritus movere minimè cessat.

His obiter & παρατεταγμένως præmissis, ad problema propositum respondemus, quod in plerisque omnibus, qui variolis tenentur districti, pruriginosus affectus deprehendatur: tum in principio, cum materia adhuc est calidior, acrior & mordacior, tum in declinatione, quando variolæ ad suppurationem jam pervenerunt, sed non in omnibus absolute: quoniam materia variolarum eadem non est in omnibus. Differt enim caliditatis, tenuitatis & acridinis ratione, pro differentia ætatis, temperamenti, sexus, regionis, anni temporis, præcedentis victus rationis &c.

Hippocrates aphor. 9. sect. 6. pustulas, sub quibus etiam variolæ comprehenduntur, distinguit: & latas & πλάγας & ἀνὰ πλάγας, non admodum pruriginosas esse scribit. Causam Galenus dat duplicem, ut etiam disputat. 2. problem. 15. significatum: Unam, quia in latitudinem extenta diffillantur: alteram, quia ex materia minus calida & acri gignantur. Potest & tertia adferri ratio majoris minorisque pruritus in pustulis istis: quoniam cutis, corporisque habitus universus & subjectæ carnes in aliis sunt densiores, strictiores, & compactiores: in aliis rariores & magis perviæ. Pruriginosæ igitur magis illæ sunt variolæ, quæ per habitum densum compactumque exire coguntur. Exeunt enim tardius & difficilius: ac proinde materia illarum sentientes partes magis vellicat & pungit, præsertim si fuerit calidior & mordacior. Minus verò pruriginosæ illæ sunt, quarum materia est mitior, & ob habitus raritatem ac laxitatem citò facilèque transit.

An omnes Variolæ in suppurationem desinant?

Æmylius Campilongus l. de variol. c. 6. scribit, variolas duobus modis terminari: vel per ἐκπύσιν, suppurationem vel per διαφθην, & ἀδύλον διαπύσιν, discussionem, & insensibilem transpirationem. Ait enim, variolas esse inflammaticulas. At notorium, inflammationes alterutro horum modorum finire. Nos, ut liberè dicamus, quod sentimus, non observavimus hætenus, variolas per διαφθην fuisse solutas: sed quotquot videre nobis contigit (contigit autem videre pluri-
mas) vel disparuisse, vel suppuratas esse: & aut versas esse in pus bonum, aut in malum, aut, quod factum frequentius, in ichorem quendam purulentum, aut in utramque materiam simul, quæ partim purulenta & crassa, partim verò ichorosa, tenuis scil. atque aquosa erat.

Vocamus autem cum Hippocrate ex prognost. pus bonum & laudabile, quod colore est albū, consistentia modicè crassum, substantia æquale, odore quàm minimè fætidum & graveolens. Appellamus malum, quod huic contrarium, moniti ejusdem Hippocratis dogmate. Nuncupamus ichorem purulentum substantiam aquosam, quæ consistentia & colore sero lactis similis.

Disparere autem & evanescere solent variolæ vel sponte, vel à causa aliqua externa. Sponte retrocedunt multas ob causas. 1. propter diarrhæam & dysenteriam. Materia enim variolarum avertitur à via ordinaria, & transfertur ad intestina Cujus rei illustre habuimus exemplum præterita hyeme in quadam Virgine moniali: cui cum copiosè admodum variolæ provenissent, noctu superveniente impetuoso abvi profluvio evanuerunt penè omnes, maxime quæ erant in facie, solis superstitibus maculis, & quidem, (quod rarum) sine vita jactura.

ra. II. propter ardorem & inflammationem internarum partium, quæ, ut Galenus comm. 4. aphor. 48. & comm. 7. aphor. 1. docet, cucurbitula in modum sanguinem ad se trahit. III. propter naturæ infirmitatem: quæ quidem in principio, cum adhuc valeret melius, materiam expellebat ad cutem: sed virulentia materiæ oppressa & debilitata, cœptum opus continuare non potuit.

Retrocedunt verò ab externa aliqua causa, materia earum vel per venæ sectionem, purgationem, & clysteres à tramite suo advocata: vel per usum topicorum refrigerantium repercussa: vel per adstringentia interna impedita, vasis, per quæ decurrebat, coarctatis atque constrictis: vel per frigiditatem æeris, quo in laborans degit, exire prohibita, poris cutis condensatis.

Morbillorum alia ratio est. Hos enim digeri atque discuti à calore concedimus: quoniam materia eorum neque tam copiosa est, ut variolarum: neque adeò crassa: sed subtilis & præcalida, sanguinique bilioso planè similis.

Quod si objiciatur, à τοῦτο tamen docere, non omnes suppurari variolas, cum non ex omnibus pus emanare videamus. Respondetur, inde non inferri, materiam variolarum in halitus verti, & ἀπλῶς totaliter evaporare. Quod enim non ex omnibus pus fluat, in causa est, quia non omnes rumpuntur sponte, nec aperiuntur arte. Ideoq; tenuior duntaxat materia portio exhalat, quæ serosa & aquosa: crassior autem, quæ terrena magis, exiccatur, & in crustas vertitur, quæ postea tamen decidunt.

XVII.

Quot sint variolarum tempora?

Variolæ, quæ ratione eventus salutare dicuntur, tempora habet plura: pauciora, quæ lethales, sicut & aliæ agritudines. Loquamur nunc de salutaribus: quarum tempora alij aliter numerant. Legitima videtur illa enumeratio, quando universalia variolarum tempora statuuntur duo: unum ebullitionis

Et effervescentia massa sanguinea: alterum eruptionis variorum.

Tempus ebullitionis habet suum principium, augmentum, vigorem, & declinationem. Principium illius est dies prima. Augmentum dies secunda. Vigor dies tertia. Declinatio dies quarta. Hac enim ut plurimum & febris, & symptomata remitti solent.

Tempus eruptionis similiter quatuor partes habet: principium, augmentum, vigorem & declinationem. Principium est dies quarta. Nam quod tempus est declinatio ebullitionis, id esse principium consuevit eruptionis. Hac die maculae quaedam apparent, pulicum morsibus non absimiles. Augmentum extenditur usque ad diem octavam, vel nonam. Indies enim magis magisque augentur. Vigor protrahitur usque ad diem undecimam. Nam quando ad justam perfectamque pervenerunt magnitudinem, suppurari incipiunt: quae maturatio fit in statu, sive vigore, diebus nono, decimo, & undecimo. Declinatio incipit die undecimo, duratque reliquis morbi diebus, quibus variola partim exiccantur, & in crustas vertuntur: quae tandem una cum squamulis, excoriatis cuticulae portionibus, decidunt, morbusque finitur: id quod tribus septimanis ferè fieri solet. Observandum verò hîc est; variolas in aliis erumpere citius, in aliis tardius & proinde etiam tempora earum variare. Nam in quibus natura est valida, habitus corporis laxus, mollis & rarus, materia tenuis atque subtilis, via, per quas evacuanda, libera atque expedita, in iis variola erumpunt celerius: praesertim si natura in expulsiōe à Medico juvetur: & aeger in calido aëre decumbat, seseque benè tegat. Tardius contra in iis, quorum natura est debilis, corpus densum, materia crassa, via praepedita & obstructa, & quorum natura neque juvatur arte, neque corpus à frigore munitur.

Morbilli celerius tempora sua transeunt, quàm variola: habentque similiter duo universalia tempora, ebullitionis & eruptionis. Ebullitio durat dies circiter 3. aut 4. Eruptio fit diebus

illorum est terminus. Eo enim evanescere solent. Varietas tamen in iis, non secus ac in variolis, pro varietate naturæ, materie, habitus corporis, viarum, & regiminis deprehenditur.

XVIII.

Quid nomine sanguinis ebullientis in Variolis intelligatur?

Dictum jam aliquoties, sanguinem ante eruptionem variolarum & morbillorum effervesce & ebullire: ideoque haud immerito quaritur, quid nomine ebullientis sanguinis veniat? Respondemus, inaudiendam esse non unam aliquam partem sanguineæ massæ, vel temperatam, vel intemperatam: sed massam totam. Impossibile enim est, ut una tantum pars effervescat, non effervescente alia. Tota namque massa in uno eodemque loco continetur, estque una ebullitionis causa, calor. Nam si vinum & aqua sint permista in una eademque olla, & calor ignis illa ebullire faciat, certè neque solum vinum, neque sola aqua ebullit, sed liquor totus, qui ex aqua & vino est conflatus.

Quodsi objiciatur, tamen in febribus continuis putridis hanc esse rationem, ut modò portio massæ sanguineæ melancholica, modò phlegmatica, modò biliosa putrescat. Cur ergò non posset etiam pars duntaxat aliqua sanguineæ massæ ebullire? Respondemus, non eandem putredinis & ebullitionis esse rationem. Nam omnes sanguineæ massæ partes habiles sunt, ut bulliant: non omnes, ut putredinem statim concipiant: sed illa putrescit, quæ in putredinem prona: præservatur verò, quæ sana & à putredine longius distita. In πυόχω non putri tota massa sanguinis fervet: sed non putret. In putri verò & fervet, & putret. In γάβοω putrida est portio sanguinis biliosa: in continua quotidiana phlegmatica: in continua quartana melancholica. At hæ partes hisce in febribus bullire & effervesce propriè non dicuntur quoniam nō statim impuri à puro fit secretio, quæ ebullitionis finis est.

Quo in loco sanguis ebullire dicatur in Variolis & Morbillis?

Quando variolæ & morbilli totum corpus occupant, sanguis ebullire toto in corpore creditur, omnibusque illius venis: præcipue tamen in majoribus, quales illæ sunt, quæ inter alas & inguina excurrunt. Hinc dolor sæpius percipitur in dorso, cui impositi trunci venæ cavæ & aortæ descendentes. Hi namque in ebullitione sanguinis vehementer distenduntur, tum à sanguine copioso, tum ab halitibus ex sanguine à calore febrili exuscitatis. Distenti partes sibi contiguas divellunt: ex qua divulsione & distensione nascitur λόγος τῆς πονηρίας, quæ doloris in dorso causa est.

XX.

Quotuplex hæc sit ebullitio?

Duplicem illam artis procures faciunt: unam perfectivam, separativam, rectificativam, sive depurativam, qua sanguis ab impuritatibus repurgatur: seu qua totum illud, quod ex succis alimentariis est conflatum, effervescit, & impuriore illius partes à puris & utilibus segregantur, ut sanguis purus relinquatur. Hanc ajunt fieri à natura, cum critico motu sanguinis impuritates à centro ad circumferentiam expellit: & vel perfectè, ac tum variolæ non amplius redeunt: vel imperfectè, & tunc est recidivæ metus. Alteram corruptivam, & permistivam, acceptam referendam feбри & causis morbificis: qua etiam puræ sanguinis partes labem contrahunt atque putrescunt. Est hæc distinctio Avicennæ, l. 4. Can. fen. 1. tr. 4. c. 6. potestque vini declarari exemplo: qua declaratione etiam Avicenna utitur. Nam postquam succus uvarum est expressus, paulo post effervescit & ebullit, (nostrates jhären vocant) & quidem ebullitione perfectiva, sive depurativa, cujus causa est musti calor in-

lor innatus. Is enim per hanc ebullitionem partes vitiosas atque inutiles vini separat à bonis: sicque vinum defacatur, & fit purius atque salubrius: citius quidem, quò calor musti est fortior: tardius autem, quò is est debilior & remissior. Ebullit autem vinum etiam ebullitione corruptiva, quando transit in acetum. Hec enim vinum mortuum, & vini cadaver à quibusdam nominatur: quemadmodum Galenus l. I. simpl. c. 18. refert. Amittit enim vinum formam suam per corruptionem, & acquirit secundum partes subtiliores acrimoniam: secundum crassiores saporem acidum: vertiturque in acetum: quod à prædominio est acidum & frigidum: à subdominio acre, mordax & calidum. Ex albo namque illorum est simplicium, quæ Galenus l. 5. simpl. c. 1. ἀποροποιεσθὴν καὶ σύνδεσθαι appellat, quòd partibus & facultatibus dissimilibus constent: licet ea ratione rectè simplicia dicantur, quoniam cujuscumque sunt, talia natura sunt, nec quicquam arte atq; industria nostra assumerunt.

X X I.

Ex quo genere febrium sit illa, quæ in
Variolis & Morbillis animad-
vertitur?

Avicenna febrim illam vocat conclusam, l. 4. Can. fen. 1. tr. 4. c. 6. Avenzoar impetuosam: recentiores πυρεχον: & quidam modo putridam, modo putredinis expertem.

Quòd autem sit πυρεχος, exinde patet: I. quia fit ex effervescentia sanguinis: II. quia continua est: III. quia ἐπιπυρεχον est. Brevi enim ad vigorem pervenit, & in illo ferè usque ad finem perseverat: IV. quia omne corpus, maximèque facies est incensa, & rubet: V. quia illa adsunt signa, quæ etiam in πυρεχω adesse solent: respiratio difficilis, pulsus magnus, plenus, frequens & velox, calor udus, nò siccus, non acer & mordax, tensiva lassitudo, jactatio magna, capitis dolor vehemens, somnus interdum profundus, urina nullas habent putredinis notas.

Habent

Habent autem, si αἶμας sit putrida. Calor praterea in ea tantum ferit acrius, pulsus magnus quidem est, vehemens, creber & celer, verum inaequalis & inordinatus. Sentitur denique in hisce variolis, cum maturuerunt, foetor insignis, qui putredinis soboles.

Verum & maligna quandoque sanguinis est corruptio, febrisque maligna, quae plurimos necat. Cognoscitur ex virium omnium prostratione, vomitione, pulsu parvo, languido, inaequali, cordis palpitatione, colore variolarum livido, plumbeo, nigro, petechiis nigris variolis insidentibus, diarrhoea, dysenteria, mictione cruenta, extremorum frigiditate, convulsionibus, subita, & sine manifesta causa variolarum disparentia, &c.

Est ergo febris variolarum vel αἶμας simplex, omni putredine carens: vel αἶμας putrida: vel putrida simul atque maligna.

Et est febris morbillorum intensior atque vehementior quam variolarum. Morbilli enim ex sanguine bilioso. variolae ex sanguine magis temperato generantur.

XXII.

An Variolis & Morbillis semper adjuncta sit febris?

De hac quaestione discrepantes Authorum sunt sententia.

Negantem tenet Campilongus l. de var. & morbill. c. 6. carpitque illos, qui febrim in definitione variolarum ponunt, eamque inter signa illarum διαγνωστικὰ connumerant: cum tamen febris quibusdam solum variolis semper adstet: aliquibus interdum: nonnullis nunquam. Rarum tamen esse asserit, variolas febris esse expertes. Fieri tamen posse, ut illa careant: idque exinde probat: quoniam ait, ad producendas variolas requiri, ut effervescens sanguis ad cutem confluat: ad febrim vero, ut sanguinis effervescentis calor, halitusve inde exuscitati ferventes cordi communicentur. Iam si sanguis ebulliat leviter, & quidem

dem propè cutem, inquit, calorem ejus non necessario ad cor deferri. Esse igitur laborantem à feбри immunem. Potest sententia Campilongi stabiliri experientia. Nam Forestus notat. l. 6. observat. 50. gravidam quandam mense pręgnationis quinto in variolas valde aquosas incidisse : neque tamen, quod mirum, febricitasse. Subdit autem, eandem demum die variolarum septima feбри correptam esse. Schenckius l. 6. observat. 112. de morb. epidem. ait, quod Rhasis cap. 18. Continentis se vidisse testatur, id se in filiolo suo paulo supra bimatū constituto animadvertisse. Nam variolas illi in facie & ventre circa Autumnum sine omni feбри, & sine aliis malignis symptomatibus erupisse: paucas quidem illas, sed colore albas, nulloque alio, pręterquam aqueo & pellucido humore conspicuas: quarum pleręque citra suppurationem disparuerint: majores verò suppuratę excreverint in crustas, & difficilem postea tardamque sanationem, carbunculorum instar, consecutę sint. Nos quoque pręteritis temporibus pueros quosdam variolis confictatos vidimus, qui neque de calore febrili, neque de alio aliquo graviore symptomate fuerunt conquesti : quin imò & lusisse, & risisse, & comedisse, ac bibisse bene, placide quoque dormivisse, bonoque fuisse animo, ac si nil sinistri iis contigisset. Hęc accedit & illud, quod Avicenna l. 4. Can. fen. i. tr. 4. cap. 6. monet, melius esse, ut febris pręcedat, sequantur variolę, quàm ut variolę antecedant, & febris subsequatur. Itaque, si fieri potest, ut variolę pręcedant & pręexistant, postea demum febris accedat, fieri quoque potest, ut variolę aliquandiu homini sine feбри insint.

Contrà affirmantem tuetur Mercurialis l. 1. de morb. pueror. c. 2. & febrim perpetuò variolas vel antecedere, vel comitari asseverat. Mercuriali subscribunt Hucherus l. 4. febr. c. 28. Vidiſius l. 6. febr. c. 6. Anton. Portus l. 4. de var. c. 3. Augenius l. 9. de febr. c. 3. Liddelius l. 3. febr. c. 8. & Sennertus l. 4. febr. c. 10.

Arbitramur, ut quęstio recte decidatur, quadruplici opus

E

esse

esse distinctione: variolarum, quantitatis, & qualitatis materiei, ex qua variolæ gignuntur, denique febris, & ebullitionis. Nam si variolæ sint verae, tales scil. quales in plerisque cernimus, existimamus, febrim semper adesse: quia semper fit ebullitio sanguinis, quæ nunquam fit sine calore præternaturali. At is semper cordi communicatur, cum materia effervescentes in vasis majoribus, quæ cordi vicina sunt, contineatur. Sin analogicæ duntaxat sint variolæ, quales sunt illæ, quas nonnulli Authores κρυσταλλοειδείς, crystalliformes, nostrates die Wasferbarblen nominant, febris necessario non adest: si maximè hæc quoque critico modo expelli dicantur. Nam neque omnes κείσται in febris tantum continuis & acutis contingunt: neque omnis excretio per modum ebullitionis fieri solet. Prius probatur: quoniam etiam in affectibus chronicis, & febris intermittentibus, quæ acuta non sunt, κείσται accidunt. Acuta quidem & continua frequenter judicantur per modum ἐκκείσται, si natura non impediatur: chronici verò affectus plerumque per modum λύσται finiuntur: aliquando tamen etiam per illam κείσται speciem, quæ ἀπόσκηψις appellatur: rarò per ἐκκείσται: & si maximè hac κείσται specie judicentur, judicari tamen solent sine vehementia, & ut plurimum pluribus diebus: teste Galeno comm. 2. in prognost. §. 34. l. 1. de dieb. decret. c. 10. & l. 2. ejusdem operis c. 5. Posterius hunc in modum planum fieri potest: quia neque sanitatis, neque ægritudinis tempore omnis excretio per ebullitionem & effervescentiam evenit. Non tempore sanitatis: quia tunc ebullitioni nullus est locus. Hæc enim præternaturam est, & sine febre non fit. Neque tempore ægritudinis: quoniam experientia testatur, plurimas fieri evacuationes per naturæ consueta emissaria, v. g. per spiracula cutis, alvum, ductus urinæ, uterum, os, venas hæmorrhoidales &c. sine ulla ebullitione: sed à sola facultate expultrice, vel à nimia humorum copia gravata, vel à vitiosa earum qualitate laceßita, vel ab utraque irritata. Quod si ebullitio aliqua subesset, etiam φλόγωσις adesset: quæ tamen non in omni excretionem, ne-

que

que ante, neque in, neque post excretionis actum ab agris sentitur.

Materiam variolarum quod attinet, est illa vel in quantitate copiosa, & in qualitate calida admodum, itemque putrida, aut maligna: vel modo contrario se habet. Prasente priori, febris semper in variolis conceditur. Posteriori se offerente, febris quidem adesse potest, sed adeò lenta & exigua, ut adesse minimè percipiatur.

Ebullitio si sit vehemens, & expulsio fortis ac valida, evidens quoque urgensque febris esse solet. Sin ebullitio sit levis, materia pauca, excretio languida, febris vix observatur: & sic quandoque dicitur, febrim nullam adesse, scil. sensibilem, & effatu dignam.

XXIII.

Sitné febris Variolarum essentialis, sive primaria, an consequens & secundaria?

Symptomatica febris illa dicitur, quæ ad alterius morbi positionem & ablationem ponitur atque auffertur. Item, quæ augescente & decrescente morbo alio, augetur & minuitur. Tales sunt febres illæ, quæ viscerum inflammationes, erysipelata, & corruptelas sequuntur. Primaria vocatur, quæ proprias habet causas, neque ad alterius alicujus morbi positionem, ablationem, augmentationem, & diminutionem ponitur, auffertur, augetur, aut minuitur: ut sunt synochus putrida & putredinis expers, &c., febres continuæ tertiana, quartana, quotidiana, itemq. intermittentes simplices atque compositæ.

His præmissis, quæstio deceditur sequentibus conclusionibus. 1. Febris, quæ variolas præcedit (est autem semper vel putrida, vel non putrida &c.) symptomatica nequaquam est, sed primaria & essentialis: quoniam ad positionem variolarum non ponitur: nec variolis auctis, aut diminutis, augetur, vel mi-

nuitur: sed subsistit primùm absque variolis: usque tandem erumpentibus, mitior evadit: quoniam illius materia ejicitur, & vertitur in pustulas cutis. Quo nomine Avicenna dicebat l.4. can. fœn. i. tr. 4. c. 6. melius esse præcedere febrim, sequi variolas: quàm antecire variolas, sequi febrim.

II. Febris, quæ à principio usque ad finem externis as-
sidet variolis, itidem primaria est: habetq; materiam copiosam,
quæ non tota in variolas mutari potuit. Vnde perseverat.

III. Febris, quæ variolas retrocedentes, & interiora
petentes sequitur, symptomatica est: quoniam pro variolarum
earum ratione augetur & minuitur, sequiturque variolas, quæ
parvæ sunt inflammationes, non secus ac illa, quæ internarum
partium phlegmonem insequi consuevit.

IV. Febris, quæ comitatur exulcerationem pulmonum,
intestinorum, renum, aliarumve partium, factam à variolis,
cùm ad suppurationem pervenerunt, similiter symptomatica
est, non aliter, atque illa, quæ partium interiorum labefactatio-
nem secuta.

XXIV.

Quid sint Variolæ?

Variolæ omnes uno eodemque modo definiri non possunt:
quia non omnes unius ejusdemque prorsus sunt naturæ. Non
enim omnes morbi sunt: sed quædam etiam causæ: quædam sym-
ptomata. Neque omnes epidemij, maligni, & pestilentes sunt
affectus: sed quædam affectus privati & benigni. Possent ta-
men hunc in modum definiri. Variolæ sunt pustulæ calidæ &
humidæ, ex ebulliente in vasis sanguine, qui inde à facultate ex-
pultrice, veluti per reirōs quendam motū ad cutem protrusus
est, genitæ, ut sanguis malus à bono segregetur.

In hac definitione, seu, si malueris, descriptione, & ma-
teria generalis, & forma, & efficiens, & modus generationis,
& subjectum, cui variolæ plerunque inhaerent, & finis con-
tinetur.

Materia sanguis est, isque effervescent. Subiectum cutis: non exclusis partibus internis, quæ tamen à variolis occupantur rarius: ideo subiecti frequentioris & communioris tantum fit mentio. Forma consistit in pustulis calidis & humidis. Modus generationis in eo positus videtur, quod sanguis primum ebulliat: postea facta ebullitione malus à bono segregetur, & in cutem transferatur, in qua pustularum formam acquirit.

Efficiens est Natura, seu facultas expultrix, quæ à materia quantitate & qualitate stimulata insurgit, & quasi quodam critico motu eam foras expellit. Finis, ut sanguis depuretur, & quod noxium est, excernatur.

XXV.

Quid sint Morbilli?

Morbillos accipimus secundum communem loquendi consuetudinem. Tres enim illorum significationes apud practicos reperimus. Fuchsius, ut dictum disputat. I. quæst. 9. morbillos pro variolis nostris habet: & has pro illis. Nonnulli per morbillos inaudiunt pustulas parvas, acutas & fervidas admodum. Plerique tantum maculas illas rubras, sive purpureas, quæ non exuberant, per morbillos intelligunt: quorum sententiam sequimur.

Hac ergo in postrema significatione definiri queunt macula rubra, ex tenui ferventique sanguine in vasis ebulliente, qui à virtute expultrice ad cutem criticè motus est, in cute genita, ut noxius sanguis à bono & utili separetur.

Exprimitur hac in definitione I. Forma, quod morbilli sint macula rubra. Loquimur enim de salutaribus, quæ frequentiores. Nam quæ colore sunt violaceo, plumbeo, nigro, malignæ sunt atque lethales, & prioribus rariores. II. Materia, sanguis tenuis, & fervidus, qui biliosus. III. Efficiens, vis expultrix. IV. Finis, defecatio sanguinis. V. Subiectum, cutis. VI. Modus generationis, qui fit, cum sanguis fervet, & κακὴν vitiosa illius portio à Natura excernitur.

Unde petantur Variolarum differentiæ?

A variis rebus. 1. à materia. 2. à forma. 3. à qualitate causa. 4. à quantitate continua. 5. à loco. 6. à duratione. 7. à figura. 8. à colore. 9. ab eventu. 10. ab adjunctis. 11. à modo invadendi.

Ratione materiæ dicuntur sanguinea, biliosa, phlegmatica, & melancholica.

Ratione formæ, vera, sive legitima, & analogica, quæ κρυσταλλοειδής, Wasserbarblen appellantur.

Ratione qualitatis causæ, benigna & maligna.

Ratione quantitatis continuæ, magna, parva, mediocres.

Ratione quantitatis discretæ, multa, pauca.

Ratione loci, sive subjecti, cui insunt, externa & interna: ex quibus illa quidem vel totam cutem occupant, vel bonam illius partem: hæ similiter aut omnia interiora inhabitant, aut partes plurimas, v.g. fauces, guttur, pulmones, hepar, lienem, renes, intestina &c.

Ratione durationis, quædam durant diutiùs, quædam breviùs. Item, aliæ perseverant, manentque foris: aliæ remeant & retrocedunt cum pernicie agri.

Ratione eruptionis, accretionis & suppurationis, quædam erumpunt, augentur & suppurantur velociter: nonnullæ tardiùs.

Ratione figuræ, latæ sunt & acuminata, seu fastigiata.

Ratione coloris, sunt alba, rubra, virides, livida, nigra, quæ pessimæ: optimæ, quæ supra albicant, in basi rubent.

Ratione eventus, salutare & lethale: quarum illæ tendunt ad vitam: hæ ad mortem.

Ratione adjunctorum, quædam cum gravibus symptomatibus hominem affligunt: v.g. deliriis, vigiliis, convulsionibus, dyspnæa, vomitionibus, virium defectu, diarrhæa, dysenteria &c. quædam leniter hominem tractant.

Ratione

Ratione modi invadendi, sunt epidemia, quæ plures una in urbe, una ve in regione, uno eodemq; tempore aggrediuntur: & πo eg. διuγ, quæ privatim hunc vel illum corripunt.

XXVII.

Quomodo Variolæ & Morbilli inter se conveniant & differant?

Conveniunt inter se variis modis. I. genere remoto: quoniam ambo affectus comprehenduntur sub efflorescentiis, eruptionibus, germinationibus &c.

II. Materia, quia ambo generantur ex sanguine.

III. Causa efficiente, quæ est Natura, seu facultas expultrix.

IV. Modo generationis, qui est criticus, præcedente ebullitione sanguinis.

V. Qualitate causæ, quæ vel est mitis & benigna: vel ferox & maligna.

VI. Adjuncto, quoniam iis ferè semper febris est associata.

VII. Subjecto, quoniam affectus sunt cutis, & quidem universales.

VIII. Modo invadendi, quoniam vel sunt affectus expidemi, vel πo eg. δικοι.

IX. Tempore eruptionis, quod est ut plurimum dies tertius, vel quartus.

X. Ætate, in quam frequenter ambo cadunt, & est infantilis & puerilis.

XI. Tempore anni, quo communiter grassantur: quod est Ver & Autumnus.

XII. Constitutione temporis, quæ sunt frequentiores, & est νιγtασανιs austrina, si diutiùs perseverarit.

XIII. Signis, quæ, antequam erumpant, eadem penè esse solent.

XIV. Curan.

XIV. Curandi modo, qui in principio, antequam exeant, penè idem est.

Differunt autem rursus in plurimis.

I. Genere proximo. Nam variolæ sunt pustulæ: morbilli macula rubra. Illæ enim elevantur, & attolluntur sensibilibiter & evidenter: hi nequaquam: sed tantum cutem reddunt asperiusculam. Si elevantur, elevatio certè effatu digna non est: teste Avicenna l. 4. can. fen. 1. tr. 4. c. 8. idque propter humoris, ex quo fiunt, subtilitatem. Unde Mercurialis ait l. 1. de morb. puer. c. 2. in morbillis vix apparere cutis elevationem: ita ut nisi manibus tractentur, diiudicari nequeant.

II. Materia: quia variolarum materia sanguis est crassior & frigidior: morbillorum tenuior, calidior, siccior & acrior. Unde variolæ similes dicuntur inflammationibus: morbilli erysipelatibus. Variolæ namque tument, rubent, calent, dolent, duræ sunt initio, & quando ad tempus suppurationis accedunt, cum molesta pulsatione conjunctæ sunt, instar inflammationum, Morbilli verò, uti dictum, ceu erysipelata, ex sanguine gignuntur bilioso, minimèque elevantur.

III. Tempore eruptionis. Variolæ exeunt tardius, ob materiæ crassitiem. Morbilli temporius, ob ejusdem tenuitatem, & acrimoniam, quæ expultricem magis irritat. Erumpunt quidem ambo affectus die tertia, vel quarta, ut antea dictum: sed morbilli sub specie propria: variolæ sub aliena. Morbilli enim maculæ sunt, & sub specie macularum in conspectum veniunt: Variolæ autem pustulæ sunt: sed sub forma pustularum minimè exeunt. Prius enim maculæ visuntur sanguineæ: postea pustulæ: quæ tamen initio vix granorum milij magnitudinem æquant. At augentur indies, donec justam pustularum quantitatem acquisierint.

IV. Tempore durationis. Variolæ durant diutius: quoniam materia earum suppuratur, siccatur, & in crustas vertitur. Morbilli insensibiliter digeruntur, non suppurant. Variolæ tribus, quatuorve septenariis perseverant: morbilli

primo

primo ferè disparent. Illæ interdum indelibilia post se vestigia relinquunt: hi nulla prorsus: sed plerunque primo septenario evanescent.

V. Gradu ebullitionis materia, ex qua nascuntur. Est quippe ebullitio ante eruptionem morbillorum vehementior & intensior, propter materiae caliditatem: ante exitum v. variorum remissior: quia materia, illarum, ut significatum, frigidior est.

VI. Acumine. Acutiores affectus videntur morbilli quàm variola. 1. quia brevius durant. 2. quia ob fervorem & subtilitatem materiei vehementius urgent. Activior quippe est sanguis biliosus sanguine crassiore & remissius calido. Hinc ante morbillorum egressum decumbentes acutè febricitant, vehementer ardent, inquieti sunt valdè, sitiunt magno, convulsionibus non raro tentantur, pruritus narium, faciei, aliarumque partium est major, quam in variolis. Scribit quoque Avicenna l. cit. c. 8. lachrymas per morbillos effluere largiores, & esse spirandi difficultatem majorem quàm per variolas. Minus tamen affligere oculos: minus etiam dolere dorsum: & propter paucitatem, & propter tenuitatem materiae, quæ vasa dorsalia minus implet, minusque distendit, atque à contiguis partibus divellit.

Est tamen hîc comparatio instituenda in ima specie, & sunt variola vera, non nothæ & spuria, quales sunt κρυφαλλοειδής, copiosa item, quæ totum corpus occupant, cum morbillis veris genuinis & universalibus, malignæ cum malignis, benignæ cum benignis & mitibus conferenda.

XXVIII.

Quomodo Variolæ differant à pustulis
& tuberculis aliis?

Quomodo variolæ differant à varis, monstratum quaestione 3. disputationis primæ. Hîc rogatur, quid discriminis
F sit

sit inter variolas, phlyctenas, epinyctidas, psyraciacia, ephelidas, terebinthos, furunculos, hidroa, herpetem miliarem, & pustulas scabiosorum? Respondemus, discordare tubercula & pustulas istas in rebus plurimis: nimirum materia, forma, sede affecta, modo generationis, effectis & symptomatibus, magnitudine, colore, more, atatibus, quas invadunt, vicibus, quibus redeunt, adjunctis, quibus sunt stipata, curandi modo. Nam variolæ materiam habent in prima conformatione partibus impressam, ut disput. quarta probabimus. Reliquæ pustula nascuntur ex materia non *γεννηται*, congenita, sed *ὕστερ γεννᾶται*, postgenita, sanguinea scil. biliosa, pituitosa, melancholica, serosa, mixta. Variolæ formam varorum repræsentant: reliquæ pustula nequaquam. Variolæ ut plurimum universam cutem occupant: aliquando etiam partes interiores. At tubercula & pustula universales recensitæ non sunt ita, si scabiosas exceperis. Variolæ generantur precedente sanguinis effervescentia, & natura materiam noxiam critico motu ad cutem propellente. Ejusmodi effervescentia præcedens generationem aliarum pustularum non fit: tametsi haud inficiemur, eas à natura profundum corporis expurgante in cute generari. Variolæ & ante, & post eruptionem varia & gravia inducunt symptomata, ut patebit ex disputatione quinta, ubi signa earum declarabimus. At symptomata illa in cæteris tuberculis & pustulis, vel non omnia, vel non ita urgentia animadvertuntur. Variolæ magnitudine superare reliquas efflorescentias & eruptiones dicuntur, siue propriam affectus essentiam, siue τὸ ἴδιον illius, quod sæpè pestilens est atque malignum, contagiosum semper, siue sedem, in qua causa earum latet, & ante eruptionem ebullit, siue effectus contemplare. Variolæ bonæ & salutares suprâ quidem in cacumine albicant, infrâ verò in basi rubent. Sed si sint malignæ, colore variant, & violaceæ, plumbeæ, virides, vel nigrae conspiciuntur: quæ varietas in cæteris germinationibus minimè deprehenditur. Variolæ infantili & puerili
maximè

maximè ætati infesta sunt: ætates proveciores invadunt rariùs: & quos homines affligerunt semel, posthàc nunquam affligunt, dummodò causa earum perfectè & radicitus fuerit extirpata. Reliqua ἐνδύματα quamvis ætatem aggrediuntur: neque semel tantum, sed toties, quoties materia suppetit. Suppetit autem sæpiùs in iis, qui γαροχουλὰν contraxerunt, vel ex mala viscerum constitutione: vel ex prava vivendi ratione. Variolæ ferè semper feбри sunt stipatæ: quæ non perpetuò adest in ecphymatibus aliis. Variolæ, ut constitit ex disputatione secunda, & constabit etiam ex ultima, variis opus habent præsidiorum generibus, quæ & morbum ipsum, & causas illius, & symptomata urgentia, & vires respiciunt: quæ varietas non ita locum habet in cæterorum exanthematum curatione.

XXIX.

Quomodo Variolæ cum peste concordent,
& ab illa discrepent?

Conveniunt cum peste. I. quia ambo affectus sunt contagiosus. II. quia variolæ sæpè, ut pestis, sunt epidemia. III. quia sæpè malignæ & venenatæ, ut pestis. IV. quia ut plurimum cum feбри conjunctæ, sicuti pestis. V. quia aliquando, velut pestis, ab aëre externo, eoque malignè corrupto, originem ducunt. VI. quia non rarò lethales, pestis in modum. VII. quia ceu pestis affectus sunt universales & acuti. VIII. quia alexipharmacis & bezoarticis sæpiùs egent, quemadmodum pestis.

Differunt inter se, I. quia omnis pestis morbus est: variolæ non omnes, ut dictum questione 1. & 2. II. quia variolæ minùs sunt lethales. III. quia minùs contagiosæ. IV. quia minùs malignæ & venenatæ, si tales. V. quia pestis sæpè æ-

Sequor, sunt. VI. quia non, ut pestis, cum carbunculis & bubonibus conjuncta. VII. quia cadunt præcipuè in puerilem & infantilem ætatem: pestis in ætates omnes. VIII. quia semel in plurimum homines adoriuntur: pestis aliquoties eos invadere potest. IX. quia sunt motu quodam κεντρικῷ, prægressa ebullitione massa sanguinea: pestis ex inspirato aëre venenato gignitur, qui primum vitæ principium, Cor, aggreditur: deinde partes alias, totumq; corpus infestat: & plerunque characteribus quibusdam, petechiis, carbunculis & bubonibus se prodit.

F I N I S.

